

T02n0099_p0072b17(00) || 雜阿含經卷第十一
T02n0099_p0072b19(00) || 宋天竺三藏求那跋陀羅譯
T02n0099_p0072b20(00) || (二七三) 如是我聞： 一時，
T02n0099_p0072b21(09) || 佛住舍衛國祇樹給孤獨園。 時，有異比丘獨靜思惟：
T02n0099_p0072b22(07) || 「云何為我？我何所為？何等是我？我何所住？」從禪覺已，
T02n0099_p0072b23(01) || 往詣佛所，稽首禮足，退住一面，白佛言：「世尊！
T02n0099_p0072b24(00) || 我獨一靜處，作是思惟：
T02n0099_p0072b25(09) || 『云何為我？我何所為？何法是我？我於何住？』」 佛告比丘：
T02n0099_p0072b26(04) || 「今當為汝說於二法。諦聽，善思，
T02n0099_p0072b27(08) || 云何為二？眼色為二。耳聲、鼻香、舌味、身觸、意法為二，
T02n0099_p0072b28(03) || 是名二法。比丘！若有說言：『沙門瞿曇所說二法，
T02n0099_p0072b29(01) || 此非為二，我今捨此，更立二法。』彼但有言數，
T02n0099_p0072c01(00) || 問已不知，增其疑惑，以非境界故。
T02n0099_p0072c02(03) || 所以者何？緣眼、色，生眼識。 「比丘！彼眼者，是肉形、
T02n0099_p0072c03(01) || 是內、是因緣、是堅、是受，是名眼肉形內地界。
T02n0099_p0072c04(00) || 比丘！若眼肉形，若內、若因緣、津澤、是受，
T02n0099_p0072c05(02) || 是名眼肉形內水界。比丘！若彼眼肉形，若內、
T02n0099_p0072c06(02) || 若因緣、明暖、是受，是名眼肉形內火界。比丘！
T02n0099_p0072c07(02) || 若彼眼肉形，若內、若因緣、輕飄動搖、是受，
T02n0099_p0072c08(03) || 是名眼肉形內風界。 「比丘！
T02n0099_p0072c09(09) || 譬如兩手和合相對作聲。如是緣眼、色，生眼識，三事和合觸，
T02n0099_p0072c10(01) || 觸俱生受、想、思。此等諸法非我、非常，
T02n0099_p0072c11(04) || 是無常之我，非恆、非安隱、變易之我。所以者何？比丘！
T02n0099_p0072c12(00) || 謂生、老、死、沒、受生之法。 「比丘！諸行如幻、如炎，
T02n0099_p0072c13(00) || 剎那時頃盡朽，不實來實去。是故，比丘！
T02n0099_p0072c14(02) || 於空諸行當知、當喜、當念：『空諸行常、恆、住、
T02n0099_p0072c15(02) || 不變易法空，無我、我所。』譬如明目士夫，
T02n0099_p0072c16(03) || 手執明燈，入於空室，彼空室觀察。 「如是，比丘！
T02n0099_p0072c17(02) || 於一切空行、空心觀察歡喜，於空法行常、恆、住、
T02n0099_p0072c18(00) || 不變易法，空我、我所。如眼，耳、鼻、舌、身、
T02n0099_p0072c19(03) || 意法因緣生意識，三事和合觸，觸俱生受、想、思，
T02n0099_p0072c20(01) || 此諸法無我、無常，乃至空我、我所。比丘！
T02n0099_p0072c21(03) || 於意云何？眼是常、為非常耶？」 答言：「非常。世尊！」 復問：
T02n0099_p0072c22(00) || 「若無常者，是苦耶？」 答言：「是苦。世尊！」 復問：
T02n0099_p0072c23(03) || 「若無常、苦，是變易法，多聞聖弟子寧於中見我、
T02n0099_p0072c24(00) || 異我、相在不？」 答言：「不也，世尊！」 「耳、鼻、舌、身、
T02n0099_p0072c25(02) || 意亦復如是。如是多聞聖弟子於眼生厭，
T02n0099_p0072c26(02) || 厭故不樂，不樂故解脫，解脫知見：『我生已盡，
T02n0099_p0072c27(00) || 梵行已立，所作已作，自知不受後有。』耳、鼻、
T02n0099_p0072c28(00) || 舌、身、意亦復如是。」 時，
T02n0099_p0072c29(09) || 彼比丘聞世尊說合手聲譬經教已，獨一靜處，專精思惟，
T02n0099_p0073a01(03) || 不放逸住，乃至自知不受後有。成阿羅漢。